

Wāween Aō kar Peptaij



Iakwe! Nā Aranoarii. Ij jokwe ilo Tahiti. Ij 11 iiō detta, im ij utiej nān ba bwe ij juon membōr in Kabuñ eo an Jisōs Kraist im Armej ro Rekwojarjar ilo Raan Ko Āliktata.

Ekōjkan aṃ kar jeļā kōn Kabuñ in?

Jet mōtta raar karuwaineneik baamļe eo aō nān juon ṃakūtūt an Kabuñ in. Kōm kar barāinwōt karuwainene nān juon peptaij an aĵri. Ikar kajitōk ippān ṃaṃa eļāñ-ñe imaroñ ioon mijenede ro kōnke ikar kōṃaan ekkatak eļapļok kōn Jisōs Kraist.

Ekar ewi wāween aṃ eñjake ke kwar ioon mijenede ro?

Mijenede ro raar lukkuun eṃṃan! Ikar aolep iien ļudiñdiñ nān katak ippāer kōn Jisōs Kraist im gospel eo An. Eṃṃan kar ippa bwebwenato ko raar jiroñ eō im ikkure ko kōm kar ikkure nān jipañ eō ekkatak.



Ewi wāween kar peptaij eo aṃ?

Jema ekar peptaiji ṃaṃa im nā ilo raan in ļotak eo aō ke ekar 11 aō iiō. Ikar lukkuun in ṃōṃṃō! Kōm kar karuwaineneik elōñ armej ro kōm kar iakwe er. Ro mōtta ilo jikuul im rūkaki eo aō raar itok nān rejtake eō.

Ke ikar waļoktok jān dān eo, ikar obrak kōn lañlōñ. Ikar ettōñ dikdik ļok nān ļojilñū. Ikar kanooj ṃōṃṃō-ṃō imaroñ ļoor waanjoñak eo an Jisōs Kraist.

Ta eñjake eo aṃ ilo iien eo kwar etal nān Būraimere ej kab kein kajjuon?

Ilo jinoin, ikar kanooj ikūṃkūṃ inañin kar jañ wōt jidik. Bōtaab ikar etal nān juon ṃakūtūt an Būraimere. Ikar aikuj jeļā kajjien aolep, im ikar kōṃṃan jet mōtta.

Eļāñne kwoj kāā, aō kapilōk ej nān itok nān kūlaaj in Būraimere eo aṃ, jekdoṃ eļāñne kwoj mijak ilo jinoin. Kōmij iakwe armej ro rekāā!

Ewi wāween aṃ ļoor Jisōs Kraist?

Ij jar im etal nān jar aolep Jabōt. Ij kōnono ippān baamļe eo aō kōn gospel eo an Jisōs Kraist.

Ij kajjioñ pukōt ro jet me rej aikuj jipañ. Ilo ṃweo, ij jipañ ṃaṃa kōn jeral ko. Ij jipañ jema ilo atke eo, jōkjōk kane ko, im kalōk men ko. Jejjo allōñ ko remootļok, ward eo am ekar wōr juon an iien kwaļok tōļan. Ij juon rikkure kōn kein kōjañjañ, kōn menin ikar kōjañ tūramļ ko aolepān boñōn eo!

PIJA KO JĀN STÉPHANE SAVÈB

Ta kar men eo eṃṃan tata *ippam* kōn aṃ kar peptaij? Ak ta eo kwoj erreimāanļok nāne eļap tata?